



ORDENSREGLAR FOR HAFSLO BARNE- OG UNGDOMSSKULE

Samarbeidsutvalet ved Hafslo barne-og ungdomsskule har godkjent desse tillegg/moderasjonane for vår skule:

- Alle må gjera sitt beste for å gjera dei arbeidsoppgåvene dei vert pålagde både på skulen og som heimearbeid, og halda dei tidsfristane dei får på slike arbeid.
- Mobiltelefon. Sjå skulen sine eigne retningslinjer for dette.
- Ved særlege arrangement, som t.d. sommaravslutningar kan lærarane gje løyve til at elevane kan få ha med seg godteri på skulen.
- Vi unngår å gjere skade på skulebygning, inventar og materiell –og også på eigendelar som tilhøyrrer medelevar. Når me brukar buss har alle eit ansvar for å oppføre seg, respektere bussen sin eigedom og halde orden. Elevar kan verte erstatningsansvarlege etter erstatningsrettslege reglar. Foreldre er erstatningsansvarlege etter § 1-2 i skadeerstatningslova for opptil 5.000 kr. Ved tap eller øydelegging av bøker og utstyr må elevane erstatte dette.
- Ingen må gå utanfor skulen sitt uteområdet utan særskild løyve frå lærar. **NB! Elevar har ikkje løyve til å gå på butikken i skuletida.** Dersom matpakka er gløymd, kan ein få knekkebrød hjå administrasjonen. Elevane vert oppmoda om å ikkje handle snop på butikken til/frå skulen.
- Alle skal møte presist til kvar time. I arbeidsøktene og i tida mellom arbeidsøktene, hjelp vi til med å halde ro og god orden. Ved fusk eller freistnad på fusk, vil skulen vurdere konsekvensar av dette.
- Vi tek omsyn til kvarandre, slik at ingen vert plaga, erta, haldne utanfor eller utsette for annan sårande oppførsel (sjå § 9a i Opplæringslova). Vi har nulltoleranse for mobbing. Ved krenking eller mistanke om krenking, føl ein instruksar som er nedfelt i vår handlingsplan for eit trygt og godt skulemiljø.
- Hafslo barne- og ungdomsskule er ein PALS-skule, der me jobbar etter våre PALS-rutinar og reglar for å skape eit trygt og positivt skulemiljø.

På Hafslo barne- og ungdomsskule bidreg me alle til eit trygt, positivt og støttande læringsmiljø!



Retningslinjer for bruk av mobiltelefon 2019/20

I samband med at mobiltelefonen er vorten ein del av kvardagen til elevane våre, vil me med desse retningslinjene vere tydeleg på korleis me skal forhalde oss til bruk av mobiletelefon på skulen vår. Skulen kan ikkje kreve at mobiltelefonen fysisk er utanfor skulen sitt område i ordensreglementet. Eit ordensreglement skal regulere forhold som uroar undervisninga, eller skapar tryggleiksmessige eller andre problem ved skulen. Ordensreglementet kan ikkje regulere fritida til elevane. Derfor skal me ikkje nekte elevane å ha med seg mobiltelefonen på skulen. Om mobiltelefonen ligg avslegen i sekken i skuletida, vil han ikkje forstyrre undervisninga eller miljøet på skulen. Om elevane ikkje følg reglane, set skulen inn tiltak for å stoppe dette.

Mobilreglementet gjeld frå elevane kjem på skulen, frå kl. 08.15, og til skuledagen er slutt.

1.-7. klasse: Mobilfritt i barneskulen

- Dersom eleven har med mobiltelefon på skulen, skal den ligge avslegen i sekken gjennom heile skuledagen. Om eleven MÅ bruke mobilen utover dette, spør lærar om løyve.
- Dersom eleven brukar mobiltelefonen i skuletida, blir den inndregen og levert i administrasjonen. Foreldre blir informert.
- Eleven må sjølv hente att mobiltelefonen hjå administrasjonen når skuledagen er slutt.
- Dersom eleven igjen brukar mobiltelefonen i skuletida, vert fylgjande konsekvens sett i verk: - Eleven let mobiltelefonen ligge i sekken dei påfylgjande fem skuledagane. Foreldre blir informert. Eleven får merknad gjennom Visma Flyt Skule.

8.-10. klasse:

- Dersom eleven har med mobiltelefon på skulen, skal mobilen ligge avslegen i sekken i alle undervisningstimar.
- Mobiltelefonen kan brukast i inne-friminutta og IKKJE i ute-friminutta.
- Mobilfri veke, siste veka i kvar månad: veke 35, 39, 44, 48, 5, 9, 13, 18 og 22.
- Dersom elevar brukar mobiltelefonen utover dette, vert mobilen inndregen og levert i administrasjonen.
- Eleven må sjølv hente mobiltelefonen hjå administrasjonen når skuledagen er slutt.
- Dersom eleven igjen bruker mobiltelefonen i skuletida, vert fylgjande konsekvens i verk: Eleven let mobiltelefonen ligge i sekken dei påfylgjande fem skuledagane. Foreldre blir informert. Eleven får merknad gjennom Visma Flyt Skule.

For alle:

- Løyve til bruk av mobiltelefon kan lærar gi til elevgrupper om telefonen skal brukast i undervisningsopplegg.
- Om elevar har med mobiltelefon på skulen, er det på eige ansvar og den vert ikkje erstatta av skulen dersom den vert vekke eller øydelagt.
- Sosiale medier skal ikkje brukast til å mobbe/krenke andre, spre rykter o l. korkje på skulevegen eller i fritida, og sjølvsagt heller ikkje i skuletida.

NB! Retningslinjene for mobil, gjeld og for bruk av I-pod/I-pad/nettbrett/Smartklokke. Smartklokka skal kun brukast som vanleg klokke, og smartklokkefunksjonen skal vere avslegen i skuletida

